



Meahciráđdehus ja badjealbmát soabadallan Njellima vuovdečuollanriiddus

Meahciráđdehus ja golbma sápmelaš badjealbmá leat soabadallan eará vuoigatvuohtadásiide ja ON:aid olmmošvuoigatvuohtakomiteai ovdánan riiddus. Meahciráđdehusa ja Kalevi, Eero ja Veijo Paadara gaskka dahkkon soahpamušas lea meroštallojuvvon Njellima guovllu stáhta eatnamiin guovlluid, gos Meahciráđdehusas lea vuovdedoallu ja nuppi dáfus báikkiid, gos eai čuola čuovvovaš 20 jagi áigge. Seamma soahpamušain goabbáge oassebealli mearrida heaittihit buot vuoigatvuohtadoaimmaid nuppiidasaskka vuostá.

Soahpamuš heaittiha maiddái ášši giedahallama ON:a olmmošvuoigatvuohtakomiteas, go Paadar vieljažat gesset eret olmmošvuoigatvuohtakomiteai dahkan váidaga.

Jagi 2005 álgán gearretdoaimmaid vuodđun lea leamaš Paadar vieljažiid oaidnu, man mielde Meahciráđdehusa doaimmat bohccuid guohtoneatnamiin heajudit čielgasit gánnáhahttivuoda Njellima guovllu boazodoalus, man vuodđun lea friija guodoheapmi. Vieljažat balle, ahte jus vuovdečuollamat joatkašuvvet de dat mearkkaša loahpa Njellima siiddastallamii vuodđuduvvi boazodollui. Dán dihtii Paadar-vieljažat gáibidedje dikkis, ahte vuovdečuollamat gildojuvvojit dihto osiin Anáris Njellima guovllu dálveguohtumiin. Riiddu guovddáš áššin leamašan dálveguohtuma reahkkán. Meahciráđdehusa mielas gáibádusain ii lean vuodđu.

Lappi gearretriekti hilggui badjelaš jahki áigi Paadariid váidalusa, man manjá sii váidaledje áššis Roavvenjárgga hoavvariektái.

Go oassebealit leat soahpan áššis ja hoavvariekti lea nannen dán soahpamuša, de nohká riidoášši giedahallan buot vuoigatvuohtadásiin.

Soahpamuša mielde Meahciráđdehus biehttala vuovdečuollamiin árabut giedahalakeahtes vuvddiin 20 jagi áigái. Vuovdedállodololaččat giedahallon vuvddiid lea vejolaš čuollat ja dikšut measta dego dábálaččat. Dán soabadallansoahpamušas leat meroštallan vugiid dárkileappot.

Soahpamuš guoská dábálaš vuovdedoalloaimmaid. Nuortalašlágas oaivvilduvvon muorraváldima ja eanageavaheami dat soahpamuš ii ráddje, iige earret eará guolásteami, meahcásteami dahje meahccejohtolaga.

Goappáge oassebeali mielas soahpamuš lea mearkkašahti. “Mii leat hui duđavačča go beasaimet soahpamuššii, mii dahká vejolažžan árbevirolaš boazodoalu joatkašuvvama Njellimis. Boazodoallu lea midjiide eallinvuohki ja sáhttit dál buriin mielain máhccat dasa”, Kalevi Paadar dadjá.

“Meahciráđdehusa dáfus soahpamuš dorvvasta bargoráfi ja dáhkida, ahte sáhttit joatkit vuovdedoalu hárjeheami ráddjejuvvon vugiin maiddá Njellima guovllus. Dát lea buorre kompromissačoavddus.”, dadjá vuovdedoallohoavda Pertti Heikkuri Meahciráđdehusas.

Lassidiedut: Kommunikašuvdnahoavda Juha Mäkinen, Meahciráđdehus, GSM 040 570 9307
Vuovdedoalloaivámuš Pertti Heikkuri, Meahciráđdehus Davvi-Sápmi, GSM 0400 296 613
Guovlluoavámuš Kirsi-Marja Korhonen, Meahciráđdehus, GSM 0400 300 861

Paadariid beales:

Ášševuoddji Johanna Ojala, GSM 0400 879 711

Miellddusin lea maiddá nuortalašgielat diedáhus pdf-hámis.